

ՅՈՒ. ԳԱՐՐԻԵԼՅԱՆ

ԳԵՐՄԱՆԵՐԵՆ ԼԵԶՎԻ  
ՏԻՊԱԲԱՆՈՒԹՅՈՒՆ

ԵՐԵՎԱՆ 2006


ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ

Եր 2006 թ. 18.4.2006

ԼԵԶԱՎԱՍԱԿԱՆ ՏՏԴՄԱՆՈՒԹՅԱՆ ԱՌԱՐԿԱՆ ԱՊ  
ՍԵՐՎԻՍԻ ԿԵՆՏՐՈՆԻ ԿՈՆԿՐԵՏԻ ՎԵՐԵՎԱՆԻ  
ՄԱՍԻՆՈՒԹՅԱՆ ԿԵՆՏՐՈՆԻ ԿՈՆԿՐԵՏԻ ԿՈՆԿՐԵՏԻ  
ՄԱՍԻՆՈՒԹՅԱՆ ԿԵՆՏՐՈՆԻ ԿՈՆԿՐԵՏԻ ԿՈՆԿՐԵՏԻ

**ՅՈՒ. ԳԱՐՐԻԵԼՅԱՆ**

**ԳԵՐՄԱՆԵՐԵՆ ԼԵԶՎԻ  
ՏՏԴՄԱՆՈՒԹՅՈՒՆ**



ԵՐԵՎԱՆ  
ԵՐԵՎԱՆԻ ՀԱՄԱԼՍԱՐԱՆԻ ՀՐԱՏԱՐԱԿԶՈՒԹՅՈՒՆ  
2006



ՀՏԴ- 803.0(07)

ԳՄԴ- 81.2 Գ-երմ. ց7

Գ 124

Հրատարակության է ներկայացրել  
ԵՊՀ ժամանագրմանական բանասիրության  
ֆակուլտետի խորհուրդը

Խմբագիր՝ ք.գ.թ., դոց. Բ. Աղայնկյան

Գաբրիելյան Յու. Մ.

Գ 124 Գերմաներեն լեզվի տիպաբանություն: (Ուսումնական ձեռնարկ): ԵՊՀ. -Եր.: Երևանի համալս. հրատ., 2006թ., 102 էջ

Սույն ձեռնարկը ընդգրկում է «գերմանական բանասիրություն» մասնագիտացմամբ բուհական ուսումնական ծրագրերով նախատեսված «Գերմաներեն լեզվի տիպաբանության» լեզվի դասընթացը, ինչպես նաև «Գերմաներենի և հայերենի զուգադրական քննականության» հատուկ դասընթացի առանձին բաժինները: Այն կարող է հնտաքրքրել նաև ընդհանրապես լեզուների տիպաբանությամբ զբաղվող մասնագետներին և գերմաներեն լեզու ուսումնասիրողներին:

Գ  $\frac{4602020103}{704(02)06}$  2006

ԳՄԴ- 81.2 Գ-երմ. ց7

ISBN 5-8084-0752-4

© Գաբրիելյան Յու.Մ., 2006 թ.

## ԼԵԶՎԱԲԱՆԱԿԱՆ ՏԻՊԱԲԱՆՈՒԹՅԱՆ ԱՌԱՐԿԱՆ ԵՎ ՆՐԱ ԽՆԴԻՐՆԵՐԸ

Լեզվաբանական այն գիտակարգը, որը զբաղվում է ցեղակից և ոչ ցեղակից լեզուների կառուցվածքային առանձնահատկությունների նմանությունների և տարբերությունների ուսումնասիրությամբ, կոչվում է տիպաբանություն:

Լեզուների կառուցվածքային նմանությունները առաջանում են երկու ճանապարհով. կա՛մ կառուցվածքային փոխառությունների միջոցով, որի արդյունքում մեկ լեզվի իմաստաբանական, բառակազմական և շարահյուսական առանձնահատկությունները պատճենվում են մյուս լեզվում, կա՛մ էլ տարբեր լեզուների ինքնուրույն զարգացման մեջ նման միտումների գործողությամբ, որոնք նախապես ձևավորել են համապատասխան լեզվական համակարգերում: Բնականաբար, տարբեր կարգի պատճենումները լեզուների միջնորդավորված կամ անմիջական շփման հետևանք են: Վերջինս էլ ենթադրում է առաջին հերթին այդ լեզուների տարածման աշխարհագրական ընդհանրություն, իսկ եթե այդ շփումը անմիջական չէ՝ ապա համապատասխան լեզվական հանրությունների քաղաքական կամ մշակութային երկարամյա կապեր: Հակառակ դեպքում գործ ունենք նույն կարգի ներլեզվական միտումների գործողության արդյունքում առաջացած նմանությունների հետ, որոնք էլ տիպաբանական լեզվաբանության կամ լեզվաբանական տիպաբանության ուսումնասիրության հիմնական առարկան են: Իսկ լեզվական շփումների արդյունքում առաջացած նմանություններով զբաղվում է արեալային կամ տարածքային լեզվաբանությունը:

Լեզվաբանական տիպաբանության զարգացման վաղ շրջանում (19-րդ դ.) համապատասխան ուսումնասիրությունների հիմնական նպատակը տարբեր լեզուների ձևաբանական տիպի որոշումն էր և ապա դրանց խմբավորումը ըստ այս կամ այն տիպի: Այդպիսիք էին Շլեգել եղբայրների, Վ. Հունբուլդտի, Ա. Շլայխերի և այլոց ուսումնասիրությունները, որտեղ փորձ էր արվում աշխարհի տարբեր լեզուները խմբավորել: